



Broj: 17-02-45866-3/23

Datum: 20.12.2023. godine

Na osnovu člana 55. stav (2) Zakona o prevenciji i suzbijanju korupcije u Kantonu Sarajevo (*Službene novine Kantona Sarajevo*, broj 35 /22) šef Stručne službe za zajedničke poslove Kantona Sarajevo d o n o s i

ODLUKU O IZMJENI PLANA INTEGRITETA

Član 1.

- a) U katalogu radnih mjesta podložnih na koruptivna djelovanja sa opisom poslova (Analiza kritičnih radnih mjesta) se dodaje novo radno mjesto i to:

Br.	Naziv radnog mjesta	Unutrašnja organizaciona jedinica	Glavni zadaci i odgovornosti	Procjena odgovornosti Rizik (1-5)	Analiza kritičnih radnih mjesta
5.	Šef Odsjeka za javne nabavke	Odsjek za javne nabavke	Rukovodi radom Odsjeka; organizuje, obezbjeđuje i usmjerava rad Odsjeka, odgovora za blagovremeno, zakonito i pravilno izvršavanje poslova i zadataka iz djelokruga Odsjeka, raspoređuje poslove i zadatke na neposredne izvršioce i daje bliže upute za njihovo izvršavanje, pruža neposrednim izvršiocima potrebnu stručnu pomoć u radu i vrši najsloženije poslove i zadatke iz djelokruga Odsjeka, vrši i druge poslove i zadatke koje mu odredi šef Stručne službe i za svoj rad odgovara šefu Stručne službe.	5	- Primanje nedozvoljenih poklona ili druge nedozvoljene koristi. - Zloupotreba službenog položaja; - Narušavanje integriteta institucije.

- b) Unutrašnja organizaciona jedinica za radna mjesta: stručni savjetnik u oblasti javnih nabavki i stručni saradnik za javne nabavke se umjesto dosadašnje, Odsjek za ekonomske poslove, mjenja u **Odsjek za javne nabavke**.

Član 2.

U Analizi kritičnih aktivnosti sa preporukama Radne grupe u oblasti procedure javnih nabavki mijenja se nosioc implementacije preporuke Radne grupe. Dosadašnji nosic implementacije u oblasti procedure javnih nabavki, Odsjek za ekonomske poslove, mijenja se u **Odsjek za javne nabavke**.

Član 3.

U Planu za upravljanje rizicima Stručne službe za zajedničke poslove Kantona Sarajevo u riziku pod brojem 3: Procedure javnih nabavki, mijenja se izvršilac mjere. Dosadašnji izvršilac mjere u riziku pod brojem 3: Procedure javnih nabavki, Odsjek za ekonomske poslove, mijenja se u **Odsjek za javne nabavke**.

Član 4.

Ova odluka stupa na snagu danom donošenja.

Obrazloženje

Stručna služba za zajedničke poslove Kantona Sarajevo je 7. 11. 2023. godine donijela novi Pravilnik o unutrašnjoj organizaciji broj: 17-02-39187/23 od 7. 11. 2023. godine, usklađen sa Zakonom o državnoj službi u Kantonu Sarajevo (Službene novine Kantona Sarajevo, broj 31/16 i 45/19). Na ovaj pravilnik je Odlukom broj: 02-04-49354-9/23 od 16.11.2023. godine Vlada Kantona Sarajevo dala saglasnost na 1. vanrednoj sjednici održanoj dana 16. 11. 2023. godine. U navedenom Pravilniku je došlo do formiranja novog Odsjeka i to **Odsjek za javne nabavke**.

Sve poslove, pa i rizik vezan za javne nabavke je umjesto dosadašnjeg Odsjeka za ekonomske poslove preuzeo Odsjek za javne nabavke, te je u tom pogledu došlo do izmjena Plana integriteta Stručne službe za zajedničke poslove Kantona Sarajevo. Svi ostali dijelovi Plana integriteta Stručne službe za zajedničke poslove Kantona Sarajevo ostali su nepromijenjeni. Na osnovu navedenih razloga odlučeno je kao u dispozitivu.

ŠEF STRUČNE SLUŽBE

Fikret Jašarević